

頑

潭

詩

話

頑潭詩話卷下

峭帆樓

頑潭主人陳瑚確菴輯 同里後學繆朝荃校錄

野言

昔伊土好爲詩其法以空明淡遠爲上所謂得儲王  
孟賈之遺者也今遠公亦好爲詩克世其家學自客  
夏入村卽多吟詠迄今歲而益工蓋遠公他無所好  
則心閒他無所爲則業專心閒而業專其能進乎此  
道無惑也吾覽其作往往工爲形似之言其對物寫  
照觸景會心如集中所載久晴草瘦山市人煙雲淨  
山立之句他人慘淡經營而不能得者遠公輒以率

然得之又雅善割愛每有所成輒示余屬爲之刪削  
今存者僅十之一二也夫近人好言鍾譚所以救王  
李之積陋然無唐人之氣體而僅取淡樸其易爲人  
厭與王李末流殆無以異今遠公造句必本唐人使  
夫學而進焉豈區區鍾譚云爾哉確菴記

久雨

雲滯久多陰愁兼聽雨心塗泥嫌過客樹溼怨啼禽流  
水聲難靜殘花力不禁蕭條寒氣薄草木已春深

贈幼玉

喜我逢新友前林喚渡舟一灣流水濶千頃秫田幽詩

壁間容覽茶鐺客可留往來君不遠朝夕許同遊

七夕遊蓮花潭和確菴韻

千潭流水答鳴琴同聽清音酒未斟夜露聲寒初月澹  
天河影沒兩星沈臨溪洗耳巢由意避地逃名沮溺心  
江海苦遭兵燹後誰家少婦尙穿鍼

寄接侯

門外佳山色供君日夕看意閒忘水澹心靜覺雲寒室  
裏秋蘭碧溪前楓葉丹悠然愁玩世觴詠易爲安

鐙夜

元夕多風雨江城鐙火無水聲連四海雲氣接重湖鷗

東坡詩集卷下  
二  
鳥迎游子漁人覓酒徒吟詩惟遣興惆悵一身孤

### 早春

坐臥雲還薄蕭條澹夕暉久晴小草瘦乍雨老梅肥雲  
冷落江樹風寒動竹扉閒情非舊日海內故人稀

### 花朝汎舟周墅

往事眞成夢餘生空復朝人煙山市在草木客居凋別  
淚如何盡離魂不可招那堪舊遊處廿里若爲遙

### 夜雨口占

風雨陰陰半似秋潏潏入夜聽人愁溪頭一夜桃花盡  
不待天明其水流

復雨

天亦因時異紛紛雷電過急風吹野草驟雨響溪波紅  
淡桃花落青添柳色多干戈愁極目誰不歎蹉跎

上巳

上巳雨初晴江雲空未清臙桃紅不語嫩葉綠將聲弔  
古羈人思傷時放客情蘭亭他日事愁我歎無盟

途中遇晚

客行天色晚鄉路一宵勤日落山光淡煙生樹影分易  
無明小月難盡暗長雲宿鳥鳴林際愁人不可聞

田家話雨

田家耕事具話雨水田頭溪岸衝泥滑江潭積水流燕  
嫌雙羽溼鳥倦一枝秋不盡浮雲色吳天黯黯愁

聽雨

喜晴纔四日龍見又今朝燕影翻林葉蟬聲落柳條獨  
愁溪水漲更聽雨雷饒望望前村白汀煙不肯消

虹  
六月十六夜

白虹今夜見光怪射長空淡淡寒星月蕭蕭天地風

有感

二十年前人古樸二十年後人輕薄安得戎馬不中原  
志士甘心老邱壑

初秋

秋來三五日雲氣半晴陰客惱風前意農愁雨後心山  
光遙野澹水色近潭深樹有鳴琴在晨昏聒耳吟

七夕

雷雨聲聲溼一舟荷花難解客心愁干戈何處穿鍼婦  
離亂曾空故國樓淚灑蓼莪三載後哀同薤露五年秋  
山川自古皆成恨不見今宵女與牛

先子忌日

年年此日淚悲痛一身孤落日蕭然影高天莫可呼艱  
難愁亂世離亂哭窮途白雪名猶在人傳去後無



曉晴

窗牖明朝旭晴空散宿雲高天遙眼濶低水近人分動  
息耕漁子往來鳥雀羣清涼因雨後每日見氤氲

餘詩別見

琉璃渾天詩

戊子冬至後十日論學斯友堂多談渾天及黃赤九  
道諸友猶未達次日藥園兄同範先舜光男偉道致  
位初應五復集桴亭與純兒共九人重舉前說予乃  
以琉璃圓鑑命舜光純兒畫道分星權爲渾天因指  
示日月出沒狀諸友互相傳觀平旦宿疑盡解時天

寒甚團坐小亭中笑語甚稠殊不覺及啟窗風雪方  
亂因相與大噱暖濁醪各浮一大白賦詩而散詩以  
紀事不限體格誌所得也桴亭記

桴亭

晚風輕雪小亭寒團坐譚天興未闌欲識乾坤無別事  
水晶球裏跳雙丸

此生久坐此球中底事昏昏只阿蒙今日與君同一笑  
誰人能識太虛空

藥園

吾昔未知天此天此身外吾今既知天此天此心載天

兮一何小心兮一何大乃知誠明通萬象總不礙

舜光

凍雲閣雪滿長空座上高譚氣轉融識得乾坤眞實事  
春風自在此亭中

莫道蒼穹垂象微眼前頃刻見天機昔賢無限璣衡巧  
易簡誰踰此範圍

範先

竹樹蕭蕭歲欲殘雨聲初勁雪初寒十年奧窟無人識  
此日幽探悟弄丸

俗學譚天只管窺阿誰解製渾天儀自從雪滿桴亭夜

始識乾坤造化奇

男偉

此卓安地上天地何所寄不聆半日譚幾誤一生事

道致

寒色照林泉幽亭笑語喧悟深三尺雪論徹九重天象  
緯今宵肄經綸異日傳一丸纔轉動星斗已周旋

位初

不識軒轅窟今知邵子窩雪深窗影亂風急雨聲多論  
道空羣障談天掃宿訛眼前窺造化掌底見山河

應五

促膝桴亭裏高談滿座歡濃陰凝雪冷斜雨占風寒世上山河小球中天地寬始知玄象理動靜總無端

宗程

談天未罷欲黃昏濁酒衝寒各舉尊門外雪深何足慮此中別自有乾坤

天地移來在一丸山河日月見毫端此閒不是彌綸手安得乾坤掌上看

春星草堂雅集詩

友人陸子鴻逸於丙舍結草堂三楹養魚種梅有武陵桃源之勝予偕石隱雪堂藥園過之時確菴適從

蔚村來遂留信宿見戶外明星歷歷確菴因誦子美  
春星帶草堂之句乃題其堂曰春星草堂石隱用小  
篆書其額相與樂甚因指題字爲韻各賦詩一章石  
隱獨再和焉詩成題其壁而去時庚寅禁煙第二日  
也桴亭記

### 桴亭

幽人小築傍清溪翠竹紅桃罨石低興到偶來仍舊約  
詩成卽事不分題經綸治地同傾耳時確菴述蔚村築圩規略字畫  
開天一識臍石隱新著字學書因齊字卽古臍字聚首人生渾未易孤  
舟明發又東西

石隱

此夜何如在越溪草堂人醉月初低竹分星斷難成字  
柳壺花欹好品題譚劇微言應刺骨酒酣深力欲通臍  
別離容易經時節有暇還期過水西

雪堂

風情依約武陵溪幾樹桃花洞口低連日勝遊多遣興  
一春佳句半無題小山看去都成麓淺水探來未沒臍  
莫道蛾眉成絕代美人只在芻蘿西

確菴

夾岸桃花俯曲溪醉吟點筆石牀低書探夜鬼蒼公法

堂惜春星杜老題門外榆槐初判額盆中枸杞欲生臍  
二難四美今宵并竹影離離月漸西

藥園

朝來春水欲平溪草蘸晴煙花影低自有素心存古道  
不妨髡頂類彫題柳條乍密鶯調舌柏葉初勻麝養臍  
隨意揮毫來快詠風光不異灤東西

鴻逸

草堂何似浣花溪日有煙雲宿石低竹徑乍閒從客看  
柴門初設待君題鳥憐羽翠頻窺影麝惜身香穩護臍  
庭外春風正三月揮杯莫問月沈西



石隱再和

小與煙霞割一溪，孝廉船過浪痕低。  
芝蘭臭味神爲爽，金石盟言手自題。  
源渡春深花映面，蔚村秋半蟹團臍。  
鴻逸草堂當花源渡西確菴居蔚村產蟹天人久已通噓吸，遮莫河流卻到西。

又雅集詩

確菴陳瑚

春暮鴻逸招同石隱九陽雪堂存齋寒溪樊村  
原竹雅儔飲花下卽席賦

十畝芳陰魯望家，夾岡層疊亂雲遮。  
石闌鳥立窺棋局

待沼魚翻避釣車曉露碧滋書帶草春風紅墮米囊花  
高朋坐到斜陽候尊酒論文興較賒

鴻逸齋聽雨

十里橫塘路瀟瀟阻客行連宵驚枕夢盡日亂棋聲翠  
惜盆荷敗青知砌草生只愁棲隱處野漲一時平

鴻逸招予看花春星草堂燒筍共食見壁間舊  
句感而有作

繁花婀娜曉風前綠樹初肥四月天記得粉牆題句日  
摘櫻燒筍一年年

春星草堂看梅分得來字

江城二月春風來春星草堂梅花開小舟蕩漾吳塘口  
柳絲夾岸波潾潾同行好友六七輩白頭如新斷金契  
閉門埋炤甘沈淪局脊高天與厚地一朝聯袂羣出遊  
浩歌長嘯舒吾愁其時梅花正堪賞花光照眼花香浮  
花中自是幽棲處風塵迴絕堪逃世花外離離五色瓜  
花前燁燁三珠樹雙鳩百舌參差鳴紫燕黃鸝相和聲  
煖風吹花下如霰時飄一片垂冠纓或坐清陰石闌亞  
或立高岡隔溪話或因覓句踏蒼苔形容彷彿蘭亭畫  
主人牀頭出酒卮一飲一石不須辭醉來便向花間臥  
且欲呼天一問之此花原是瑤臺出宜伴神仙住姑射

何爲移種到江南駝塵馬矢無顏色此花結子能調羹  
不比尋常糞土英卻溷荆榛雜糶櫟何事天公也不平  
天公比年不得意長星彗孛終朝醉人間世事總沈冥  
紅粉黃冠任遊戲是日城內士女迎玉皇於道院乃知眞宰本如斯萬  
物榮枯各有時慎莫不飲空歸去梅花笑人癡復癡

石隱王育

戊申二月六日同人集素老道兄春星草堂看  
梅主賓七人因用高季迪月明林下美人來  
句各拈一字爲韻育得林字請正

春星草堂鳴春禽座上名賢號竹林飲酒談心生妙悟

探題分韻賞清吟梅梢煙起成紺碧松杪風吹響暗琴  
日暮放船浦潏黑老人扶掖誰能任

吟興未已乃取餘六字復各成一首呈正

七言絕

月字

遙看梅花皚似雪酒酣各課詩一絕天公爲我留畫圖  
樹梢添一如弓月

五言律

明字

春風吹雨過水漲野塘平對酒情偏熱看花眼倍明修  
篁臨丙舍古木鬱佳城二月寒猶磔初聞出谷鶯

五言絕

下字

春遊天放假小醉梅花下若不破工夫恐被東風罵

七言古

美字

二月春風初入市報道梅花徧水溪吾儕未免有情人  
肯向寒窗裹雙趾孤山主人折柬來買得小舸去如駛  
策杖看花花滿衣歸坐草堂香未已三年陳釀爲我開  
傾杯風韻天然美座上誦得高子句各拈一字賦一體  
老人詩成興猶劇七韻皆就愧下里非敢擅場矜捷奏  
所望報桃投以李犬馬之年年望入此地重遊悵已矣

五言古

人字

梅花清寒物吾儕澹穆人竭來花下坐微風扇輕塵花

詞譜卷下  
與人俱冷青春多苦辛  
花開經時落爲樂及今辰

調寄滿庭芳

來字

放鶴山中羅浮夢裏美人何處飛來天然國色第一可  
憐才不藉鉛華描抹青鏡裏素影堪猜卻不比鞦韆院  
落梨粉漫成堆更青春未艾淩晨獨步雅號花魁此  
際悄無人見趙師雄識面方纔爲倉忙一晤百念皆灰  
況我輩是多情種子能不共徘徊

辛亥孟夏同崑山歸玄恭李萼青暨存齋菊齋  
寒溪桴亭過鴻逸道兄春星草堂飲梅樹下  
分得寒字

村舍清幽似考槃  
壺觴隨處恣盤桓  
三農注望秧疇雨  
四月都忘麥秀寒  
久旱是日大蒸熱  
密竹周遭交蔭蔽  
百花狼籍未彫殘  
分題課詠多名宿  
吟得新詩字字安

初夏同人集鴻逸仁詞兄春星草堂卽事呈正  
并求和教

草堂載酒集詩人  
不讓蘭亭禊事新  
庭樹重陰如倚蓋  
野花雜秀似鋪茵  
三時蛙鼓初迎夏  
百轉鶯簧巧送春  
俯仰古今懷以慨  
出塵瀟灑是清貧

桴亭陸世儀

戊申春仲同石隱存齋樊村寒溪確菴集鴻逸



道兄村園看梅得人字賦呈教正

二月六日天氣新草堂梅開邀佳賓花光竹色影靈

靈零

通亂徵詩鬪酒聲紛綸漸覺眼底少高士何由夢中來  
美人興酣日落蕩舟返微月暮雲迷去津

過鴻逸道兄齋看梅七絕句效子美漫興體呈  
政

入春十日五日雨梅花易開還易殘眼前好景莫輕過  
卻覓西郊酒伴看

西郊酒伴能種梅十株五株隨意栽客來看梅同酌酹  
無人卽自銜深杯

從來看竹不問主看梅何必主人邀  
早過先得二日醉看花也要奪頭標

獨坐看梅倚釣磯與梅相對澹忘機  
端詳嫩蕊徐徐放自在輕花緩緩飛

千花綽約映簷楣萬竹參差夾水湄  
恰似翠屏圍素女倚欄傍檻向人窺

十株梅花九株白一株忽與胭脂同  
萬白叢中紅數點珊瑚亂灑玉玲瓏

莫歎無緣遊鄧尉從來作戲貴逢場  
深塢千重萬重雪開時總是一般香

辛亥孟夏同崑山歸玄恭李萼青暨諸老友集

鴻逸草堂飲梅樹下分得高字

青梅如豆綠陰高  
列座飛觴老興豪  
酒到歲荒歡會少  
人于衰暮往還勞  
石隱存齋皆扶掖登舟  
滄桑久變愁吾黨  
救濟無人任彼曹  
予與殷仲同與聞江子又有蘇松浮糧疏揭皆不得申其志故云  
萬事年來總堪歎  
不如花下醉春醪

寒溪盛敬

春仲同諸公過鴻逸長兄春星草堂看梅分得

月字賦呈郢正

策杖訪故人梅花已先發  
相攜入芳叢四顧生怡悅不

覺坐來久寒香沁于骨轉登高邱壑皓皓如密雪分明  
銅坑勝收拾高人宅旣就草堂飯還就林下酌分韻賦  
新詩飛花滿巾幘此會須盡歡得幾花時節猶恨醉言  
歸不及待明月

清和二日集春星草堂分得元字似鴻逸長兄

博榮

堂背梅成幕相攜坐樹根林深嬌鳥喚花豔稚蜂喧說  
古真狂士飛觴有醉髭殷勤賓主意和意可調元

樊村顧士璉

戊申仲春上浣之六日予同確菴桴亭石隱存

齋寒溪看梅於鴻逸鄉園酒醉賦詩以高季  
迪月明林下美人來爲韻分得美字詩成乘  
月棹回見長星在參井閒時東城建玉皇醮  
壇鍊師施亮生主醮傾城往觀偏予數人郊  
外尋梅亦一奇也拙詠記之呈鴻逸長兄正  
戊申春仲婁人喜徧地梅花如雪裏東城半天香霧橫  
玉皇宮殿紛羅綺鈿車寶馬何恩忙忘卻梅花清味矣  
惟我尋春幾幽人風月襟懷未嘗已每歲看梅良友家  
人花兩妙皆無比放舟郊外風日和數里吳塘弄春水  
柴門未到花光浮遶宅千株雪山似徘徊林下萬玉攢

花日爭耀迷彼此花逢晴暖吐奇香鬱金蘭麝羞難擬  
循溪上坡細細看濃淡低昂盡態止遊人狂叫稱奇哉  
何必鄧尉孤山趾主能延客坐小軒佳殺具列開名醅  
旋取花來漾酒尊和花飲嚼芬膺齒觴令終巡顏盡酡  
漣箋分韻香留紙何必今人遜古人還做蘭亭作遊記  
堪羨幽人樂事多治亂無關忘泰否夜觀乾象有氛祥  
長星孛孛知誰是禍福感召固有因不媚高穹詔老氏  
寂寞廣平作賦才謙之靈素門如市步虛仙樂未遑聽  
偏向荒郊訪陸子我知魯望好吟詩愧我吟詩非襲美

菊齋宋龍

初夏同人集鴻逸道兄春星草堂卽席得齋字  
乘興同遊畫舫齋山翁釀熟酒如淮當階罍粟標新錦  
座上耆英盡舊儕茶竈釣綸歸甫里柳陰午夢卽無懷  
時艱竊歎追隨少良會微吟把悶排

存齋郁法

春星草堂觀梅之作呈鴻老道兄正分得下字  
探梅有前期輕帆許我借乘興凌晨往趁花未及謝遙  
望皎如雪枝枝出屋舍主人鷗鷺傳到門無俗駕其此  
一日間談笑無飾詐杯酒興方適斜陽竹林下仰眺星  
漢閒光芒正西射不如臥蓬蒿急棹春流瀉

白菴李梅

分得存字

芳筵今日喜開尊  
堂滿名賢風雅存  
疑是龜蒙同泛宅  
誰知元亮獨成村  
青梅樹下微微醉  
罌粟花前細細論  
莫道灌園稱野老  
含飴指日弄諸孫

仇池朱日章

清和節鴻翁先生招同社集春星草堂分得三  
江韻賦呈郢正

送春邀酒伴作醪  
有奇靡萋萋  
蘭盈畝  
薔薇罩一窗  
充庖筍作脯  
醉客玉爲釭  
杜宇催歸急  
曹騰上兩艘



用棟吳隆

初夏集鴻翁老伯春星草堂分得支韻

長者招攜敢後期  
米囊花下坐題詩  
黃鸝啼落和煙絮  
紫燕銜來帶雨泥  
座客君王徵不起  
清尊今古話相宜  
歸橈容易婁江上  
爲愛留髡列更遲

萍菴顧翔

奉訪素翁先生於春星草堂俚句呈正

孝思無窮處  
依依丙舍閒  
林深忘酷暑  
晝靜擬空山  
賦就惟招隱  
耕餘不礙閒  
放翁欣復見  
遊子已忘還

遊靈洞唱和詩序

婁地無異而有靈洞之山鶴市之桂陳墓之松參錯  
交峙於廣漠之野而莫之知名雖未爲殊勝然與一  
片石千莖草則有閒矣桂不下數百年物而山之下  
家安節處陳周塾嘗有行窩在其閒松崖元山人陳  
南野墓靖難中匿安節於米園者卽其人也茲三者  
夫草堂數里而近期與三四同志扁舟容與發幽弔  
古於其閒爲日久矣戊子八月之望叢桂吐芳予乃  
以詩招中菴顧先生華子天御陳子確菴以踐斯約  
是日三君子不果來越夕陳華二君子扁舟至溪口  
并約湄川陳先生而九愿亦至遂同弟向辰從子仲

純艤舟靈洞下徘徊瞻眺尋昔人栖遯之跡無有存  
者蓋山之蕪廢也久矣西望雙桂鬱然深秀日薄高  
春不能至其下念南野之高風心儀久之乃布席釣  
鰲石舉酒相屬秋風禾黍蒼黃在望四際空濶胸次  
浩然相與作爲聯句詩成酒酣醺酒祭山乃下時日  
已下銜洞壑交冥榜人理楫秋水方至已而月上兩  
岸楓葉荻花明瑟輝映命兒歌子美朱山人詩數闕  
卽舟中其次其韻抵茅舍鐙火犬聲如在輞川中也  
鐙下又成數詩乃寢明日仲純邀酌於桂下又明日  
出鎮圍棋於黃冠龔叟家又明日別去是遊也於朋

友得陳華二君子之高於山水得靈洞湄溪之深以  
秀而又觀乎陳子之侍其尊人者之肅以穆華子之  
畜其胤子者之靜以正而弟與姪復佐予以兄弟宗  
黨之樂嵬兒雖無知亦奉几杖追隨習禮於其間庶  
幾人倫之樂事矣所歉者中菴先生不與偕來而松  
與桂猶不暇及也確菴命錄茲遊倡和詩彙而存之  
以備遺忘謹端牘而詮之如左龔掄記

與參秋夜招天御言夏二盟長

溪上秋月明窗前展書讀蕉葉淡濡露桂花靜含馥寒  
鐙翳餘輝孤螢弔幽獨遲彼西方人共此林下宿

確菴謝與參招看桂花不赴次來韻重訂

枯桐響未終

時適與天  
御彈琴

急手魚書讀洎意吐良辭芳華

布幽馥招我共烹葵慰我寤歌獨相期東籬下醉嗅寒  
英宿

八月十四夜過龔羽士竹林

與參

良月印前溪偶向溪上步溪中有逸者寂息湛竹露款  
竹啟柴扉清影藉芒屨東坡過懷民依依有同趣撥火  
起茶煙瓦鼎香才炷欣然酌數瓷滿頰融新乳隔崖坐  
漁童舟人語古渡豈知茲林下客亦孤雲赴高躅藉羣  
紛虛懷淡凝素寂離善惡因百年當獨寤機冥道心長

靜與木石古伊人逸仙餘踏蹕此環堵

與參挈榼招湄川天御確菴九愿向辰仲純遊

靈洞山坐天門頂聯句

夕陽陂上夕陽平

確菴

靈洞秋風向晚清

湄川

禾黍蒼

黃如破衲

與參

雲山雜沓似遙城

確菴一作向辰

當年複壁思

先隱

與參

此日班荆話宿盟

確菴

薄暮遊人歸未得

湄

川漫將尊酒對山傾

向辰

穿山懷古

天御

一望蓬蒿接稻梁昔年朋友共文章夕陽陂上千秋淚  
留與千秋弔夕陽

登穿山

渭川

數仞丹崖野燒夷名花零落斷煙塵桑家故老今何在  
鈍宅遺風有所思墜石幾更秦漢臘脫巾已失晉唐儀  
高岡釀酒仙仙舞絕勝商山醉紫芝

石壁無人挂薜蘿詩成起舞醉傴僂魯連東海紆青練  
陶令南山擁翠螺草樹斜陽歸牧笛野橋流水傍漁歌  
莫辭盞酒花前醉此日明年得幾過

西崖石壁詩

鳳軒居士

琴川東去有花蹊蹊上幽居隔灤西書蠹曉晴臨架落  
水禽春喚向人啼門垂楊柳船曾繫屋隱芙蓉路不迷

昨夜小窗閒話別歸憐鐙火照青藜

鳳軒不知何許人覽其餘誦悠然自遠非淮南  
小山之徒則武陽羽化之士未可知也端牘  
詮詠因次其韻

清映湄陽有別蹊好山如畫夕陽西隱茆無復劉安住  
古墓時來大鳥啼谷裏琴歌誰嗣響村中樵塢忽深迷  
峰頭逸客棲神賞眎想遐踪忝杖藜

歸舟歌子美朱山人詩卽用原韻聯句

野露荒寒到幅巾

確菴

晚風花落小山貧

與參

漁將歸

浦江湖靜客欲投林鳥雀馴

確菴

不住浮雲猶蔽月

湄



川無邊落木正愁人與參 唄聲隱隱黃昏後確菴 遙見

禪鐙照眼新向辰

山歸坐晚翠菴唱和湄川

山前山後白衣來挈榼攜酤話石臺惆悵蒼梧夕照冷  
花前能醉幾多迴

又確菴

月華清影欲飛來不住秋聲到石臺喜有小坡翻白雪  
筆牀花落幾千迴

又與參

載酒尋山挈伴來花茵狼籍坐鰲臺追隨父子同三姓

笑語人知醉客迴

原韻

龔嶠

蒹葭白露美人來  
相與攜尊坐釣臺  
遙憶高風瞻古墓  
醉歌拍手夜深迴

遊山歸展山乘詩草有懷予之作卽用原韻奉

酬  
確菴

玄暉句殊妙心精理不雜  
弄月秋正中吟風夏逾臘  
愧我詩思枯禿筆如老衲  
邕粲有心期倒屣相對答

嵯兒以五字懷陳夫子蒙次韻見酬因致謝

與

參

讀書有奇功心理貴勿雜窮經無晨昏著書并寒臘何  
知此童子隻偈挑老衲寸筵撞巨鐘空山忽響答

懷陳先生作

龔嶠

西方有佳人秉慮清無雜占象玩星分祀事仍漢臘獨  
醒視世醉禦寒止舊衲如蘭其家君風月互流答

贈溪上羽士龔澗松

涓川

竹徑斜通花滿堤小扉直入是幽棲閒身清瘦偏疑鶴  
孤夢逍遙不伴奚試茗汲泉停下釣掃苔拂石待論題  
野塘雞犬迷煙月舊日桃源一曲谿

又

確菴

花外行人見古堤，幽心不減是山棲。  
冠裁籜葉頭如雪，杖製孤筇伴作奚。  
時設棋筒需野客，慣烹茗粥助詩題。  
閒來坐臥蒼苔上，獨聽潮聲到小谿。

又與參

一笠茅菴枕曲堤，竹林中有道人棲。  
家無兒女花爲伴，背負山圖鶴當奚。  
几上香清經靜展，壁閒客去句新題。  
夜來隔澗幽香發，好似吳興罨畫谿。

飲仲純大田草堂賦贈

渭川

巾葛超搖著屐芒，山家風物似羲皇。  
一畦豆雨分溪色，十畝瓜花繞屋香。  
時學阮生留別眼，每因徐穉下懸牀。

鬢餘不復隨人熱自有提封古醉鄉

仲純招醉花話舊

確菴

二十年來角鼎交而今短髮其蕭蕭愁看城郭非當日  
追數風流似昨朝卜處何勞詹尹決耦耕喜有丈人招  
挑鐙通夜皆情話

花前醉一瓢

又贈座中陸友時新得子

湄川

疏葛蕭蕭一老迂相逢同醉步兵廚豆花風動談方洽  
桂子香來日未晡戰茗君餘鴻漸興聚星我愧太邱徒  
莫嫌市隱空懷玉已見昂昂千里駒

題竹潭圖

湄川

潭水清泓浸碧筠，澹煙一抹靜無塵。  
每于醉後留芳墨，直欲圖中見古人。  
讀罷短襟悲夙昔，吟成老眼病精神。  
秋風不落瀟湘淚，收拾蒼梧夕照新。

次湄川先生韻，題仲純姪所藏竹潭圖，時方得子，與參。

最愛瀟湘竹，有筠空潭一碧。  
絕纖塵，一竿墨潑清溪石。  
萬里心懷濯足人，雷動鐸龍生繭栗。  
風生紋縠蕩精神，展看手澤多前輩。  
宜爾傳家奕葉新。

題晚翠菴

湄川

花下幽棲晚翠含，野塘新水一灣南。  
中懷龍德知無悶。

夜識天心爲不貪閒倚桂香秋月白微吟蕉雨曉風酣  
主人自是高夷葛羨爾遺風似鈍菴

題與參晚翠菴

確菴

閱盡人情萬事慵靜中詩卷日從容慣迎賓客花間犬  
粗識君臣架上蜂釣雨及辰荷作蓋著書經歲筆爲農  
菴題晚翠何人伴恰有黃冠號澗松

東鄰羽士  
龔澗松

中夜晚翠菴聯句

歎歌偕醉後起視正宵中

確菴

向火焚殘草依花聽亂

蛩

與參

露含雙樹白月借一燈紅

確菴

晚節期同翠無

勞歎轉蓬

與參

連日傾尊抱瓢而別竹林雅誼宛然寤寐戲效

默菴體呈榮

湄川

兩阮風流似謝家  
徜徉我喜繫匏瓜  
醉翁山水吟秋石  
孺子滄浪釣晚霞  
老驥可曾逢伯樂  
干將應否識張華  
高岡賦罷誰青眼  
爲問江郎筆底花

答湄川先生來韻

與參

子房多難不爲家  
學種青門五色瓜  
古調絃中罪白雪  
壯懷筆底鬱青霞  
讀騷有恨留三楚  
卻老何人贈九華  
百尺岡頭迷醉眼  
山靈徧照鬼鐙花

秋日同天御確菴宴集靈洞山

向辰



江鄉自乏登臨勝載酒聊尋靈洞遊海上風煙愁黯黯  
天涯歌嘯漫悠悠著書何處多藏廩泛宅君家有釣舟  
極日不堪斜照裏白蘋紅樹野塘秋

和青田先生夏日雜興詩

戊子初夏讀青田覆瓿集有夏日雜興七章其詞悲  
壯雄渾可以泣鬼神動天地每誦天邊日出園葵覺  
地底雲生柱礎知之句塵埃中能物色真人開國事  
業兒端於此不僅爲尋常詩人而已乃同子音家季  
其次其韻以就正湄川先生先生亦次韻見示已而  
復有確菴萼青之作掞特彙而錄之亦以各見其志

云龔浣記

湄川先生和

嫩雨嵐生薜荔垣，半篙新水到柴門。  
蟬琴響伴窮愁寂，螢火光憐老眼昏。  
對酒呼羹千慮淡，曳筇看石一心存。  
眼前河嶽非當日，腸斷啼鵑帶血魂。

其二

鉏罷瓜田力有餘，開渠栽竹稱幽居。  
齋廚煙冷遲吹麥，野藪芹肥不羨魚。  
盥手間披高士傳，焚香時讀上皇書。  
曠懷薄暮東皋望，安步歸來且當車。

其三

硯田惡歲病炊糜種秫江潭夜雨悲存舌張儀羞作客  
祕書劉向笑燃藜開窗溪上觀漁網築舍村頭問酒旗  
悵望盈盈一溝水含情落日有餘思

其四

一片閒情汗漫遊讀書荒舍強淹留吹笳月下驚邊夢  
賦笛江干起客愁南國飛鷺歸北國東流濁水向西流  
田家客土空遺恨槐禁蟬吟欲白頭

其五

蕭疏鬢髮遜荒郊時策孤筇望遠交落落黍苗生故國  
潺潺風雨動書巢占晴林下聽鳩語釣晚溪頭傍樹梢

斜日歸鴉尋舊宅老夫猶未掩衡茅

其六

夏至殷農播穀催百川騰沸使人哀樹頭鳴鴉陰初動  
溪上聞蜩氣始猜漢寢臥碑成枳棘吳宮荒礎長莓苔  
可憐澤國同鱗介強自呼童命酒盃

其七

綠窗雨歇聽蛙池兩部清音鼓吹宜獨醒可容先代隱  
伴狂惟有野人知欃槍沴氣分芒日箕尾星文託化時  
戶外蓬蒿三尺滿窮途何必問悲絲

與參和

元清詩言卷下  
三  
菴雨新篁覆短垣忽驚野水寇柴門晝眠不耐鳩聲鬧  
夜坐愁看斗氣昏白酒歌呼聊自慰故園寥落夢徒存  
新亭舉目河山異剛斷吳儂木石魂

其二

一畝田園趣有餘郊居不減是山居齋厨晚食惟燒筍  
濠濮忘機不釣魚竹塢客來閒煮茗石牀風細暫拋書  
出門安步行偏穩不羨人間駟馬車

其三

厨冷煙荒忘作糜盧郎莫爲道窮悲清秋碧化文泉塚  
長夜鐙燃太乙藜弄翰窗前亂魚鳥鬪茶花下鼓槍旗

濂溪菡萏含情日悵望西方有所思

其四

款段驅馳鄉里遊蕭閒精舍每淹留鹿田聽雨潛悲恨  
鐵笛橫秋寫客愁天上少微無北拱田間野水尙東流  
放歌欲逐魯連子無奈高堂有白頭

其五

託興龐公寄遠郊歡情衡宇結深交新田好雨懷時稼  
故壘浮雲歎舊巢鵲鳩聲聲怨芳草松篁冉冉尙寒梢  
遙瞻靈洞懷先業何日移家更結茅

其六

夏至初來陰便催鳴蜩嘒嘒使人哀  
鳩鳴已誤羣芳歇  
鳩化頓生凡鳥猜  
先寢穹碑臥風雨  
故宮遺礎長莓苔  
興亡自古多留恨  
俱付長庚酒一盃

其七

永日閒吟風雨池  
白蘋風至頗相宜  
文章恥逐當今好  
懶拙惟應故舊知  
耆碩消亡空悵恨  
機槍疾掃更何時  
窮愁杜甫吟秋草  
空向風塵泣素絲

向辰和

溪上藤苗接野垣  
松陰寂寂翳衡門  
鑪煙靜避琴書潤  
茗椀愁消心眼昏  
杜老草堂松不改  
陶公苔徑菊猶存

閒來但展離騷讀竹雨迎風泣楚魂

其二

花滿琴軒靜有餘心欣康樂賦山居薄田無犢難耕秫  
曲沼多荷易養魚芝茁商山堪避世苔封石室好藏書  
閒情甘爲清時棄敢望飛熊辱後車

其三

聞得朱門羨肉糜昔賢清節不勝悲郭田五十安飭粥  
琴曲三終樂飯藜文苑何人執牛耳詩壇莫肯豎降旗  
一生消受惟清福鼎食封侯非所思

其四



欲弔湘纍誦遠遊不堪日月漫淹留  
幽蘭叢桂山人賞細柳青蒲野老愁  
驚蹇何心談劍俠禪枯渾欲混緇流  
勸君早踐名山約四十相將易白頭

其五

五馬無勞出遠郊歸來翁已息知交  
鶴閒自愛臨池影鳩拙仍居未雨巢  
清夜鳴琴開磻戶良辰採藥過林梢  
年來自得田園趣一任柴門蔽草茅

其六

自歎年華鏡裏催總非頭白亦堪哀  
三冬未濟詩書用四十猶將姓氏猜  
香散一池朝洗藥陰黏四壁雨生苔

人言恰似維摩詰經卷繩牀一水盃

其七

鑿得蓬軒面小池輕紅淺綠總相宜煙藏柳岸鶯難覓  
水漲溪田鷺已知習靜卻疑輞口坐幽棲恰似浣花時  
莎蒲鷓鴣溪亭晚習習涼風點鬢絲

夏日雜興次劉文成韻邀與參向辰同作

子音

濁酒誰能度土垣高軒已不過繩門因摩快雪精神冷  
忽聽輕雷咫尺昏無限世情將苦付許多書債與年存  
石倉武庫俱千載惆悵空爲入夢魂

夏日雜興七首與從游集刻本詞句

異者過半

其二

短蜮長鯨世事餘不勝林水卜幽居一池澹澹從澆茶  
數挺琅玕可釣魚頤解羞來丞相鼎瓢藏欣得北僧書  
無才且自隨榜櫟看盡匪風偈偈車

其三

如磬蕭蕭食恃糜披圖相對慰窮悲香開竹徑存枸杞  
路出柴門滿蕖蓂聊羨隸書懸甲帳也能秋水襲春旗  
調心只在茅齋裏奴橘江陵非所思

其四

兀坐聊當汗漫遊青蔬香飯幾人留梅花圖畫消煩暑

竹葉杯捲付苦愁開牖半規惟碧石爲橋一木有清流  
卻思千古羸秦酷容得商芝隱白頭

其五

休文傳賦賴居郊靈運誰爲刎頸交覓句自然隨牧路  
搆齋何不對禽巢橘花如雪看奇樹竹實爲糧候碧梢  
濁酒數盃情已澹任他雷雨溼衡茅

其六

青草難勝白紙催平原一望最堪哀山中紫色芝應長  
江上烏衣燕漫猜積雨琴絲寬似帶開簾石硯綠于苔  
柴扉盡日惟宜閉飢至欣然水一盃

其七

晨露清和澹墨池叢書兩板拙人宜文章漫許石麟作  
世事應推雛鳳知數柳飄飄渾是恨孤松先我自爲時  
吳船擬買形如葉獨釣煙波不餌絲

確菴和

扶疏薜荔當籬垣颼母風吹雨打門碧浪似雲翻白晝  
青鐙如夢照黃昏兵戈未定書巢破煙火裁通土銍存  
今日落花誰作主卻令銷盡黯然魂

其二

村村水漲柳花餘夜夜鶉鷀鬧索居兒子弄船行貰酒

山妻插漚學求魚占晴欲廢田家曆種樹容鈔先隱書  
贏得北窗高臥穩問津已斷故人車

其三

清齋日日愛炊糜留作高陽歲歲悲久溼菌如衝雨笠  
乍晴人曳看雲藜眼枯芳草王孫淚腸斷西風帝子旗  
記得去年三月裏一場春夢繫人思

其四

菰煙蘆月恣清遊茶竈書牀盡日留茆屋未秋風已破  
秫田失歲雨爲愁說經不到無雙地求友難逢第一流  
何必漁陽能寫恨夜深蛙吹鬧牀頭

其五

綠波渺渺暗荒郊日與忘情草木交蘆葉一灣圍鷺宅  
蓮花千歲老龜巢移牀就樹雲爲枕倚竹懷人月滿梢  
不用勞勞叩詹尹十年前已決誅茅

其六

斗指南丁秋又催璣衡往復動淒哀星侵帝座何年見  
彗掃旄頭永夜猜西蜀青盲成皓首睢陽白骨長蒼苔  
最憐野老無窮淚都付江頭酒一盃

其七

采蓮新社傲天池物外同心學道宜止酒久慚根矩介

盜牛差畏彥方知一潭雲淨波生處十里香來月上時  
我欲忘眠客忘去幾回潦倒碧筒絲

蓮花問答

端午後天無日不雨四周水田悉皆淹廢村中視外  
圩尤下田潭不分一望盡白有吾其爲魚之懼書舍  
無窗風鬢雨寇疊浪如雲不能容一屐頻呼女奴畚  
稻草灰吸之殺其勢積灰盈尺如豚柵中終日抱雙  
腳坐牀頭歎息而已北村以詩四絕相遺問蓮花無  
恙否噫孰知花亦有時而窮耶綠葉田田不數日之  
閒擎者貼貼者沒沒者腐心乎愛矣莫能助也葉猶



如此何有於花予入村三年而蓮花歲益不如亦其窮也非花之窮爲窮者所愛而日與之鄰固有必窮之勢也獨臥齋頭愁不能寐遂如前韻率成四作以奉酬北村亦爲花解嘲也確菴記

北村蓮花問

村北村南兩堰分田田荷葉綠如雲肯容靈蓮歸蓮社  
可免攢眉一醉君

聞道田潭水不分魚蝦應復賤如雲浮生偷向蓮花醉  
明歲明年不問君

綠水紅蓮開幾分詩心酒意簇如雲輕舟倘得沾餘滴

應笑花紅臉到君

風風月月任平分莫使紅花亂似雲  
昔日梅花君怨我今朝潭上我思君

確菴梅花將盡寄所遲客

昨夜梅花光照門紛紛如雪又如雲  
春風無盡相思意只怨梅花不待君

確菴蓮花答

舍南舍北水平分攜杖檐頭看白雲  
遙望前村樹深處每隨風雨欲呼君

日日尋花花未分閒心一點亂如雲  
蓮花還是無情物

歲歲相思不及君

蛙黽填廬闌夜分窗中波浪似層雲經旬抱膝牀頭坐  
君入村來愁殺君

綠葉紅蓮兩不分池塘倒映一天雲花開疑向深潭下  
捉月探花還待君

和陶田舍詩

晉靖節先生有癸卯始春懷古田舍詩二首中菴首  
和之與參亦和已而兩公又相繼迭和往來交錯靖  
節爲不孤矣予受而讀之率成二首以附會爲知音  
者乃兩公復不我棄再賡和相酬卽使靖節復生寧

不以今日之唱和爲樂哉子集爲一卷而仍以靖節  
原韻冠之於端亦尙友古人之意云爾確菴記

淵明癸卯歲始春懷古田舍詩二首

在昔聞南畝當年竟未踐屢空旣有人春興豈自免夙  
晨裝吾駕啟途情已緬烏弄歡新節冷風送餘善寒竹  
被荒蹊地爲罕人遠是以植杖翁悠然不復返卽理愧  
通識所保詎乃淺

先師有遺訓憂道不憂貧瞻望邈難逮轉欲志長勤秉  
耒歎時務解顏勸農人平疇交遠風良苗亦懷新雖未  
量歲功卽事多所欣耕種有時息行者無問津日入相

與歸壺漿勞近鄰長吟掩柴門聊爲隴畝民

中菴元夕寶晉齋初舉尙齒社和陶始春懷古

田舍韻

枯禪一生心白首諾始踐富貴非吾物敢曰恐不免幽  
人互招攜各至意同緬茗飲連談詠率爾成眾善常當  
奉宗雷遂依廬山遠波瀾隱湖靜鷗鷺自往返微雨暗  
佳夕青鐙照春淺

無田傭破硯昔歲尙飢貧已見六經沒能辭四體勤陶  
公行乞食千載感斯人躬耕寫其懷同此物候新虎溪  
笑時路聞道亦爲欣如何負頑頑日暮迷一津引翼方

自茲攸好以成鄰申誓卽今誓敬語劉遺民

與參印溪詩社約田家詩和陶始春懷古田舍  
韻

荒土久未開翻喜牛羊踐用力苟不齊寒餒詎可免邈  
然念先嗇負耒心已緬芽穀悟天心甘雨喜靈善耕鑿  
抱淳素未覺羲農遠晨興候雞鳴暮逐歸鳥返三復老  
農言斯理詎云淺

舊穀行告匱八口齊食貧老妻佐織紡寧敢怨辛勤下  
澗水雲合長歌遠近人小婦炊玉粒林香知薦新兒拾  
遺穗歸繞田黃雀欣解犁惜牛力驅之飲上津娛神作

秋社擊鼓邀四鄰子弟敦詩禮無勞推秀民

中菴自序云與參道兄攜新詩來顧失於款接

次其冊中和陶田舍韻二章爲報是詩予客

歲齒社先有和作與參或見不卽心理適同

將託沮溺不予遐棄者也

不卽二字疑有誤

生平挂角書尺覽寸未踐徬徨百年內所得皆苟免句  
貽誰冰雪卷發意先緬緬然千載懷詎止一鄉善方信  
東籬人去人殊不遠身非戴安道君自子猷返何以遂  
逢君同歌海清淺

輟耕亦有苦納稼亦有貧早作夜不息終身食其勤本

知虞夏沒猶謂羲皇人君志適同我添我知交新把酒  
對君詩飢顏如一欣沙頭我昔遊往往桃花津落英與  
雞犬十里爲比鄰外閒何足道爾汝無懷民

與參自序云丁亥秋予以一編謁中菴先生先  
生過爲延賞和其中和陶田舍詩二章有將  
託沮溺同爲比鄰之語先生鉏經有年經學  
重天下不佞所謂望先生之門而不得入者  
先生之言聊以爲戲耳再和二章爲謝

掃門十年心心諾身未踐四十齒向衰視皮愧難免扁  
舟指鹿城經途忽情緬鳳凰乃吾鄉中有天下善依依



室孔邇邇人殊遠惟留一編書緘情俟君返如何大  
國楚不陋曹鄮淺

龐公久龍臥高義任長貧一世眼光裏淵懷接引勤予  
本新田夫歌飲託詩人長者乃忘年謬推知交新緡綸  
風人願執鞭古所欣負耒侍隴端牽牛飲上津公也不  
予棄壤水東西鄰柴桑後彭澤竊比劉遺民

確菴和寄中菴與參

黑雲壓南城足裹不敢踐酌水肥予心肉食庶可免結  
念屬同志孤愁正綿緬未能永忘情愧彼草木善好風  
從東來所思不在遠和陶得兩賢稱指各酌返遂使坐

井人自悟小巫淺

兩村兩高士樂道忘其貧步檐乾飯遲行汲提甕勤今  
時亦何有相期千載人郵筒風雪裏所得皆清新幽披  
見積素靜賞生餘欣渡河我無筏願託爲梁津相去各  
十里遙遙結芳鄰劉周與元亮并作潯陽民

與參再次答確菴

南村期卜鄰此願何時踐耦耕把犁鉏溝壑庶可免擊  
壤歌黃農翹然有餘緬親老各强健耄年飯猶善春風  
換萊衣笑啼幸無遠越陌尋所思風雪遂忘返時時文  
酒會此興復不淺

吾鄉有遺碩能安原憲貧蕭然存白屋鉏經尤日勤仿  
古賡載歌愧我非其人若士寒潭上復和詩句新急足  
遠見投披諷晨夕欣一撮悟后土一勺知天津兩賢我  
畏愛錯處東西鄰熙然共終老安知懷葛民

中菴次答與參

衡門掩市廛經歲未一踐豈曰務韜晦省事卽姑免開  
編見古賢出處道何緬何以自鞭策惟有強爲善世途  
縱橫作得報寧在遠同心印溪棹數月幾往返晤言雖  
不多所益已非淺

命駕呂安好灌園陳仲貧慚無茶粥供待子一翹勤野

古抱遺編可自千載人著書出沈痛學問日夜新與物  
示委蛇稱情忘戚欣我詩如膚皮子掇髓與津贈言張  
東壁聊得誇四鄰何妨寥廓遊長此漁樵民

中菴次答確菴

舉世誰賢愚反躬視所踐俗情笑顛沛猶幸以身免柴  
桑一卷詩詩盡義常緬杯中復何物乃與杜康善本因  
吾地偏又謂此心遠蔚洲芙蕖路行者去不返爲問輞  
川人安知巢許淺

側身求善計萬事莫如貧少壯已偷安老衰空復勤相  
思同明月來往成三人一意互傾寫數篇無故新向榮

亦徒爲嗤彼卉木欣轍環尼山迹遂疲天下津顏生白  
簞瓢閉戶絕其鄰願之植杖年得附耦耕民

願之二  
字疑誤

### 遠公和

草莽久閒居慚愧跡未踐春秋對佳日興懷何能免平  
疇眺遠山幽意情獨緬鳥聲弄微和惠風暢人善徒步  
行荒蹊悠然心自遠感彼隱憂子長吟屢往返村村桑  
柘煙寒流日淺淺

誰爲振風雅憂道不知貧賴此古人書志意相勸勤山  
河邈焉改風景易愁人春風動郊原草木時爲新田家  
日耕種行歌沮溺欣桑竹徑中綠桃花迷問津雞犬互

鳴吠壺漿交好鄰無論昔魏晉願作蝸廬民

再和陶詩

八月潮生日招中菴先生爲靈洞陳墓之遊先生詩  
來以疾辭次日確菴天御至先往遊焉別與中菴有  
山陰乘興之約落落未果適琴川毛伯子晉過織簾  
讀和陶往還詩心賞幽期端牘詮詠許爲屬和傳之  
以作佳話再答中菴確菴兼寄子晉龔掄記

鈍翁一編書字字期實踐採訪廿年心挂漏尙難免

蹢行窩地觸岫自情緬趙岐複壁中雅與孫嵩善

鈍翁避難

藏陳氏米圖雙松長千尋十里風聲遠沿洄遡秋濤輕

中讀書不輟

舟其往返小車獨不至使我歡悵淺

烹葵晒嘉客知不厭予貧逸句棲情渺淵衷給賞勤何  
當子猷棹徑造剡溪人澗道歷冰雪松姿彌靜新琴川  
古仙伯詮詠有餘欣九天散珠玉不吝咳唾津落落未  
謀面百里猶比鄰長謠採芝曲共作商山民

### 村訪

陳子居蔚村七十二潭之上與瀾漕諸君子有蓮社  
約寓禮教於杯酒之會意甚善也約言甫就寄書招  
王生與桴亭寒溪且戲柬曰村中荒寒請廢雞酒之  
禮行吃菜事魔之術何如三人遂各欣然攜杖頭往

聖貞附遺以尊酒炙豚展濶忱也薄暮抵村明燈已  
在室矣相見不作寒暄語各出新著相證劇談者一  
日夜莫逆於心極性命之幽微抽經世之鴻緒鳴琴  
在右圖史在左家人具湯餅佐以芳醴時醉時醒或  
寐或歌自謂人世之樂無過我四人今日也所著確  
菴有論樂書典禮會通治綱三種桴亭有思辨錄八  
陣發明寒溪有乙酉日記新輯地理險要三冊若王  
生不過新詩百首小文數篇而已時村雨方密斗室  
閒靜各賦詩二章明日雨小歇遂放舟出西堰入宋  
涇訪諸接侯發其篋得新著數篇讀一過啜茗而別



因轉棹過瀾漕晤諸鼎甫同載還村復酌戊子清和  
月之第一日也

石隱卽事

溼風來曠野千頃水飛花草木影交雜川原勢向斜人  
煙遙接處矮屋十餘家此地真堪隱桃源未足誇  
小窗窺遠綠微雨溼簷花定樂通今古言詩辨正邪寧  
爲遯世漢莫學小儒家篋底千秋業逢人莫漫誇

確菴和

天留素心客隨意雨飛花談劇蛙聲靜吟成鐙影斜采  
蓮君子社吃菜野人家此夜聯牀話鵝湖未足誇

坐久欲無睡澹然鐙落花雷聲來地隱雨氣入窗斜論  
擬空千古書將貫百家時憂正方大吾黨不須誇

寒溪和

來自春歸日茅簷不見花溪頭水聲緩風裏雨絲斜論  
樂先陽律談經薄漢家孤村良晤少此夕實堪誇

桴亭和

劇談過夜半醉眼欲生花雷鬱雨聲積燭闌人影斜不  
知誰是客適意竟爲家抵掌商經術同心未足誇

石隱訪接侯隨訪鼎甫得寬字

水西有君子落落姓名寒長憶懷詩卷遙尋認釣竿擎

舟村雨細出堰野潮寬鄰老知嘉客停耕隔樹看  
轉棹知非遠村南訪二難玉峰隔岸小瀾水到門寬趨  
迎周禮數灑落晉衣冠曾向高齋醉題詩墨未乾

桴亭和

四月已徂夏村中猶薄寒放船呼佃客試淺借漁竿微  
雨水波靜好風平野寬高人應不遠時起隔林看  
此是高人隱蕭蕭竹樹寒門前繫艇石屋裏釣魚竿天  
地憂方大身心理自寬相逢惟恐別遽起索書看

寒溪和

懷人春泛艇雨過水微寒釣笠隱蘆荻酒帘懸竹竿側

行河影曲平望野容寬遙指揚雄宅玄亭載酒看

瀾漕雨雹輟飲

三之日瀾漕黃幼玉知村中有佳客冒雨治具相招  
遂同確菴桴亭寒溪偕往至則諸鼎甫晉甫暨其坦  
君已在門相候矣坐定出所著蔚村八勝詩相示予  
著陶巾就座皆謂飄然如仙爭來取式酒數行風雷  
大作僕人呼有龍下少頃大雨雹擊屋瓦聲相驟如  
刀劍砍殺奔突積地纍纍如彈丸如桃如小兒拳村  
中人來報田中秧已損十之三四稍遠有如大石塊  
擊殺人及破屋者眾皆改容慘澹嗟吁遂輟席鼎甫

昆仲有來朝之約謝之同確菴遂解維而東石隱記

確菴卽席

幽賞高談幾逸民座中漉酒有陶巾休疑靈運心猶雜  
同是蓮花社裏人

石隱雨雹

相傳桃花源一向絕風塵我來訪漁者洞口桃花新白  
日桑麻靜中多三代人熙熙土風好雞酒共留賓亦旣  
見厥子還復呼其鄰訪我塵世事不知有晉秦偶訴戰  
爭苦乖氣感鬼神中天龍下挂急雹紛青旻大者彈落  
弦小者齒脫斷風雷聲益厲如拳復如輪擊樹葉齊飛

打水波躍津僮僕疾走避匿首牀下蹲杯酒驚失手頭  
上隕葛巾共怪天何怒將無生客嗔曾聞仙家言凡夫  
肉臭腥不敢滯靈境頃刻足千春亟復尋舊路去去不  
待晨

桴亭雨雹

濶漕溪頭水千尺上有主人能愛客買魚沽酒續蓮社  
痛飲清吟話平昔主人情重席未終西北欵忽來長風  
驚龍走蛇勢慘惡天地反覆須臾中疾雷當空屢欲落  
積雪凝冰亂噴薄大者擊石小射丸頃刻郊原盡如斫  
吾聞至人之所居戾氣不入其庭除豈因俗客耐久坐

風雨不樂爲之祛只今海內無寧郡一方清福天所靳  
我輩安享或未知無乃上帝垂警訓願我同志各勵修  
藍田鄉約古所求和氣感天天不怒雨暘歲歲蒙天庥  
瀾溪和皮陸詩

己丑五月二十九日移家於瀾漕之上避水也田園  
已蕪枯坐一室簡兒子所鈔撮唐人詩得皮陸唱和  
一首愛其間雅偕二子共歌之卽依原韻作瀾溪卽  
事并命二子和成爲之點竄錄之蕉葉越一日庸夫  
舉社出而質之同人同人亦喜更相和也確菴記

襲美夏初訪魯望

半里芳陰到陸家  
藜牀相勸飯胡麻  
林間度宿拋棋局  
壁上經旬挂釣車  
野客病餘分竹果  
鄰翁齋日乞藤花  
躊躇未放閒人去  
半岸紗綃待月華

魯望和韻

四鄰多是老農家  
百樹雞桑半頃麻  
盡趁清明修網架  
每和煙雨掉繰車  
啼鶯偶坐身藏葉  
餉婦歸來鬢有花  
不是對君吟復醉  
更將何事送年華

確菴瀾溪卽事用前韻

僑居瀾水便如家  
不問田禾不治麻  
一夜忽添三尺雨  
兩行齊踏大棚車  
學書穉子栽蕉葉  
沽酒漁郎摘槿花



非是無愁愁不得恐驚憔悴送年華

遜兒次和

囊裏無錢付酒家瓶空無處乞胡麻  
西鄰野老修漁網隔岸兒童學戽車  
鄭宅漸生書帶草江郎何日筆端花  
四山遙望煙光合欲問仙源日月華

邀兒次和

一曲清流處士家愁看淫雨淚如麻  
溪泉有浪翻籬腳村岸無圍廢水車  
久溼趁晴鋤蔓草早涼和露翦萱花  
衣冠舊日何時見擬向深山坐九華

白菴次和

社散人歸水滿家醉中愁緒細如麻一餐淨飯修蔬鉢  
數客狂呼傾麴車茶趁僧陀瓶似雪詩逢老友眼生花  
杜陵心事依然在好向灤西坐歲華

且了次和

卜世瀾溪住我家也無雞犬也無麻村人務本勤鋤耒  
稚子無生掉紡車野店提壺招社客漁舟曬網看山花  
將身放浪形骸外何事關心鬧物華

庸夫次和

相逢爾我說浮家偕隱何妨學績麻李愿泉甘只此谷  
柴桑有酒便攜車蓮房溪外愁紅粉杯酒涼中墮白花

若問如何銷夏臘苦吟字裏度年華

幼玉次和

連遭淹沒已無家  
賸得蓬門半塞麻  
水濶任橫漁父艇  
路漫難命故人車  
牀頭綠覆蒹葭草  
窗外紅浮荇蓼花  
愁思方殷難卒歲  
空教惆悵惜韶華

四載霖霖水作家  
愁看雨腳復如麻  
交衢過步難容屐  
町疃淪胥競用車  
畚鍤翻栽種與稊  
輓轡撈出豆兼花  
三秋白望空勞攘  
卒歲何年誦黍華

丁巳春崑山

顏潭詩話卷下

趙詒琛校刻

頑潭詩話補遺

頑潭主人陳瑚確菴輯 同里後學繆朝荃校錄

續月泉吟社

遭時不偶避世牆東無力買山有懷學圃覩此春日  
每念傷心欲賦無題獨歎而已偶過德公齋示我春  
興六首已又出月泉吟社一冊曰此至元丙戌吳潛  
翁所輯也翁隱石湖集社隱流吟詠寄志一時唱和  
幾及三千嗟乎屈陶異世同情矣論時事未可出而  
甲子奇合深用足歎亦成六首聊志鄙懷不敢曰雍  
門之吟亦用代長沙之涕耳桴亭記

春日田園雜興

牆角春風吹棣棠豆花香裏菜花香看魚獨立小池靜  
數筍閒行竹篠長白眼望天非是醉科頭溷俗若爲狂  
莫言世外人疏放彭澤情深勝沅湘

其二

聞說山中可問津桃花如夢水如塵乍看幕燕成新壘  
誰憶泥牛換早春打鼓吹簫今歲社更衣脫帽舊時人  
門前柳色依然綠陶今年來避葛巾

其三

一夜東風春水賒起看流水入溝斜籬頭未下絲瓜種

牆腳先開蠶豆花稚子掘河浮小鴨山童舉網捉新蝦  
已知身世無餘樂聊爾徜徉未是差

其四

春社纔過雨水中灌園初學問山翁新成芥辣旋栽苣  
旣落瓜壺不用蔥衣履已知非晉代蠶桑聊自說幽風  
高原小麥青青秀不見歌聲起故宮

其五

野水灘頭長荻芽池塘處處起鳴蛙一春多雨占三白  
二月無茶摘五加寒食沓來驚漢臘代歌時接憶胡笳  
春郊風景還如舊添得傷心是短髻

其六

舍北郊南俗事稀  
小齋欣與世相違  
山鳩喚婦每離樹  
蒼鼠窺人時入幃  
種秫擬成千日醉  
醅菰聊慰一春飢  
月泉甲子依稀是  
只恐人閒歲月非

楓林書舍聯句

戊子端陽後一日石隱尊素鴻逸寒溪杼亭確菴士  
起會於藥園之楓林書舍午餘小飲時天半暮虹忽  
起光映四座乃共約聯句爲酒政效柏梁體人占一  
句以多寡爲勝負吟笑互發頃刻而成罰皆如約占  
勝句者獨自舉觴諸友皆引滿浮大白莫敢不醉可

謂極遊娛之情窮嘯歌之樂矣次日桴亭更爲節其  
允復銓次成篇得四十四韻俊求出素卷屬桴亭書  
之一時之集遂足爲不朽盛事古人亦何必多讓也  
桴亭記

東南暮虹吸日光

石隱

橫亘天半浮金梁

寒溪

恍兮惚

兮混太荒

確菴

赤白紫綠青紅黃

桴亭

誰持玉尺爲度

量

石隱

九十一度半差強

確菴

怪魚騰湧翔扶桑

士起

撥雲磨刀割其肪

石隱

或云樓閣蜃吐章

尊素

映水半

玦成圓光

確菴

蛟鼉出波伸首望

確菴

翅張尾垂雙鳳

凰

確菴

天孫上祝供七襄

桴亭

鈞天出奏飄霓裳

藥園



繞身感孕誕前王石隱秦皇複道走媵嬙確菴鸞上鸞

下卜豐穰確菴入井入釜來無方桴亭刻畫大文施丹

黃桴亭我欲攜之袖中藏確菴妖氛四罩敵太陽石隱

駁雜紊亂干穹蒼桴亭黃道赤道移其方寒溪神龍斂

威霖雨妨寒溪月華氤氲當晝揚桴亭淫氣交結雄雌

狂石隱人莫敢指徒彷徨確菴珊瑚木難七寶裝桴亭

鑿嵌堆垛神鬼忙石隱醉暈重疊天徜徉桴亭大眼五

色迷文章桴亭生而眇者恨目盲確菴懸我繡腸天中

央桴亭吐我浩氣天俱長桴亭荆卿感此激日旁鴻逸

雷鼓砰擊雲旗颺桴亭倚天長劍紛四張尊素龍文五

彩占吉祥

桴亭

委蛇蜿蜒何激昂

藥園

炤耀屈曲森綽

翔

桴亭

沈埋寶物騰光芒

鴻逸

斗牛上射精氣長

寒溪

操作綵棒威邊疆

石隱

化爲慶雲徧萬方

桴亭

此詩方字三押章

字二押黃字二押長字二押當日桴亭先生銓次成篇時未之檢及耶

### 楓林書舍分韻賦詩

戊子端陽後一日確菴過婁同社諸子與泛舟尋映

岡門楓林書舍相期信宿各分韻賦詩後成者議上

### 罰博笑

### 石隱分得分字

繞宅青楓變夏雲曲池風皺越羅紋談通名理成玄著

交辨和同乃善羣茶具漫尋臨水滌詩題隨意就窗分  
端居共訝非人境鶯語鶉音總不聞

杼亭分得書字

水滿田頭樹滿廬知君別構好安居一江小隔塵初絕  
十畝新耕食有餘蓮社客來緣話雨杼亭人至爲論書  
莫愁佐酒無佳味賸有溪中自種魚

確菴分得詩字

小築新開傍綠池故人纔到便題詩蓮花欲放端陽後  
瓜實將成夏至時我有葛巾宜漉酒君餘瓶粟莫愁飢  
晚來濯足青楓下徙倚前村有所思

尊素分得林字

蘭棹遙遙花塢深綠灣指點是楓林三間小築程朱業  
一曲清渠天地心架上餘書看寶樹堂中有客罷瑤琴  
知君植柳希彭澤何必高歌梁父吟

鴻逸分得陽字

歷歷青楓繞舍旁草廬絕勝古南陽閒裁舊史消長日  
細翦新荷製短裳得意自知濠上樂忘情不是楚中狂  
歸來散步深林下領取人間一味涼

士起分得端字

君居婁水我新安何幸連朝把臂歡捷鬪詞壇號飛將

功成酒政勝爲官科頭楓下閒中趣濯足溪頭分外寒  
離合年來渾若夢亦知啼笑最無端

寒溪分得楓字

十畝池塘一畝宮早離踪跡俗塵中  
蓮如瀾水仍栽芋竹似寒溪更有楓  
展卷列星橫座右垂簾好鳥鬧牆東  
我來榴蕊紅于火待到秋深楓又紅

藥園分得虞字

薄田數畝遂吾迂聊當東家浮海桴  
遠俗禽魚咸得慧避時溪谷亦名愚  
劫中兵火爭劉項夢裏乾坤變夏虞  
漫向西風勤刈穫酣秋霜葉笑人癯

癸巳中秋文會

確菴唱

昆湖今日兔園開  
百里逢迎掃徑苔  
雨色洗將山色好  
文星指點客星來  
客星指在絳紗豈隔門生面  
黃絹還憑主簿才  
倚馬風流誰第一  
銀河早見月華催

潛在和

一色晴雲萬里開  
霏霏金粟涇香苔  
縱橫蘭櫂乘風到  
激灩文瀾接水來  
倒屣慚非文舉座  
點頭喜有子昂才  
明年此夕銅螭署  
應見姮娥月裏催

張溯顏

禹思

當空碧鑑晚涼開一徑幽深破石苔人自隱居風更遠  
天于高會月偏來張衡詩爲愁中賦李白文多醉後才  
爲報聚星琴水上秋光遮莫暗蛩催

錢

嘏

梅仙

月到空庭綺席開秋光如水水無苔笑言雜疊忘師弟  
觴詠分飛自去來金谷罰多知是聖湘東燭短愧非才  
鄒枚未醉相如醒曄曄朝霞莫見催

馮長武

寶伯

一輪驟起暮煙開賦就賓筵影上苔酒聖坐長和露滿  
文星光動自湖來月明獨醉三秋月才大平吞八斗才

卻負高情虛客右孤懷無伴有愁催

毛天回

叔豹

晚霞初散曙光開硯滌清溪染綠苔友道卻從師道得  
文心應共素心來丹青輕拂吳裝筆費天來善於寫生騷賦驚  
看楚客才何事月明秋正好滿簾風雨又相催

陸煥

拱辰

斗柄文光月正開露華輕點溼蒼苔簡賢盡道公門在  
作賦多因都督來香落九天分異種星占百里聚英才  
秋期此夕明年會笑折瓊枝玉漏催

劉巖御

公亮



飛鴻詩話補遺 七  
午橋風景傍湖開書帶綿芊遶砌苔蘭玉階前材彥出  
文章海內友朋來師門自昔操冰鑑小子慚無繡虎才  
此夕不愁明月盡筆花咄咄夜珠催

許焜

舜光

百里昆湖文社開墨光波影綠于苔不貪看月乘秋至  
端爲尋師力疾來伏枕先依蝴蝶夢揮毫且讓鷓鴣才  
主人投轄情偏重無奈歸心一棹催

張履祥

爾錫一姓杜

昆湖水色接天開剝啄門多屐破苔遊客未須尋勝去  
登龍端許學人來雲山聳秀三秋日風雅平分兩邑才

刻燭漫誇花草捷一輪桂魄照人催

周士禔

樵芳

月色橫空水鑑開繞庭香露泫莓苔通經虎觀兼同異  
追躡龍門迅往來已見少微光列宿會逢聯璧應多才  
棘圍咫尺看花近戰捷無勞燭影催

吳遷

勛傳一姓黃

波光千頃碧天開野徑秋風長綠苔瞻斗可知雙劍出  
聚奎早卜五星來墨莊主號昆湖長絳帳師推鹿洞才  
記取來年今此夕廣寒應見桂華催

王孝持

男偉

東閣端爲多士開滿階秋色欲生苔三年夫子垂帷坐  
百里門生聽講來承問豈無沂水志掄篇誰是夜珠才  
最憐洗酌殷勤意又倩山頭明月催

瞿有仲

有仲

龍門百尺傍湖開欲駕秋風掃積苔三秀喜瞻仙島瑞  
一枝誰折桂林來射鵬爭佩前茅印穿虎還推飛將才  
此夜異光遙燭斗靈虬不用月華催

毛

褒

華伯

一庭萍藻翠雲開百里名賢破碧苔酒薄不知秋露重  
徑荒徐放月華來紛紜觴詠風流古落拓文章江海才

底是良宵兼勝侶東烏莫遣曉霞催

毛衮

補仲

八月湖平一鏡開蒹葭蘸水碧于苔天香正向雲中落  
經袖遙從海上來茂望不須爭震氣時危相戒鬪輕才  
一輪湧出高林表處處笙歌次第催

費來

天來

秋風瑟瑟草堂開勝侶連翩屐響苔作賦定隨杯酒落  
論文應候月華來道傳鹿洞推高躅名仰龍門集異才  
無那良宵留不住烏啼深樹卻相催

顧湄

伊人

元龜言言不異  
月炤昆湖一鏡開  
秋光深映夜明苔  
華堂卻喜青鸞集  
講席初從白鹿來  
紙墨橫飛禰子賦  
尊罍歡洽魏王才  
罰依金谷仍佳話  
燭炬燒紅幸莫催

陳遜

碩膚一字子謙

小山溥露曉香開  
夜墮無聲應砌苔  
纔向春風攜笈至  
近從藥園師遊  
又隨涼月過庭來  
星占再見高陽里  
天網應羅鄴下才  
正是揮毫吟詠際  
鐘魚忽送梵音催

是夜潛翁  
延禱禪誦

王孝持唱

香散天風月桂秋  
師門此日復從遊  
共推虞海無雙士  
更附婁江第一流  
坐久文星迴北斗  
吟餘詩思繞南州

舒眉再有開懷處載酒同登汲古樓

毛表和 奏叔

池上芙蓉正笑秋相期弄影月中遊蒲帆遙集欣同調  
硯席分張盡勝流作賦果誰堪琢玉吟詩幾欲撼滄洲  
不知更漏須臾盡一片紅雲入曉樓

黃御香 雲翼

金風玉露報清秋折簡相邀作勝遊四座卽看符列宿  
是日二百川還與障狂流文章壇坫分藜火淳樸山川  
十八人記橘洲墨沼未乾酣戰好忽驚明月下高樓

頑潭詩話附錄

蔚村後人陳陸溥乾如輯

婁東十老圖詩歌

吾祖確菴公與 嗣祖鴻逸公爲婁東十老之會略  
仿香山洛社遺意吳門高士張永暉繪圖誌盛而延  
陵吳譽施亦仿西園故事敘而記之歲遠人湮不知  
落何所矣此幅則一方外摹寫坐立位置與原圖間  
異而筆墨復不足觀然披覽之間猶得想見故國衣  
冠及前輩風格也當時詩歌應多不復得見僅存敝  
簏數稿特倩東村陸先生書之圖後以存遺蹟云

裏道人兜披居士服者爲陳確菴

諱瑚字言夏年五十九歲家住七十二潭

方外裝與確菴濃談而行行且止者爲宋菊齋

諱龍字子猶年

六十四歲幅巾頽顏執經而辨論者爲陸桴亭

諱世儀字道威

家住東皋年六十一歲

正容端坐指揮如意者爲郁存齋

諱法字儀臣年

家住九龍灣六十五歲

高冠而髯抱膝南向而如有所商確者爲

顧樊村

諱士璉字殷重年六十歲家住樊村涇橋

坐樊村之右聞言而解

頤者爲盛寒溪

諱敬字聖傳年六十歲家住紅欄干橋

倚雲根對白水而

哦者爲王隨菴

諱撰字異公年五十歲家住海門第一橋

戴笠投綸者爲陸

鴻逸

諱義賓字素樸年七十一歲家住吳塘曲

露頂扶杖而危坐者爲王莊

溪

諱育字石隱年八十歲家住莊溪之陽

若將問奇於莊溪而徐步近側



者爲江愚菴

諱士韶字虞九年六十歲家住陳門經之新橋○新橋卽應岡門耶

延陵

吳譽施記

莊溪王育

桴亭酒酣面微赭滿腹經綸未易寫樊村虬髯氣吐虹  
兀坐四海經營中高冠峩峩起雲峯存齋頽然玉山倒  
懷仁抱義不知老寒溪行止動合矩珊瑚一枝出海底  
纂述千古遯良史和氣翔洽在眉宇隨菴丰姿溫如玉  
得喪不足撓其腹口拈五字吟髭禿垂綸戴笠者鴻逸  
志樂山水無與匹子然遺世而獨立愚菴江子我門徒  
天懷孝友俗情疏淵明飢驅走京都歸來閉戶人望孚

威儀抑抑神清癯菊齋非僧服僧服皋羽祠前曾慟哭  
海藏龍宮受真錄世人爭呼孫思邈確菴黝然有深憂  
忍卻飢驅爲道謀文章萬卷走九州莊溪八十老不死  
露頂倚杖看雲起

寒溪盛敬

茫茫身世事落落畫圖人海岳文如染龍眠筆有神衣  
冠存古道行止任天真佳話傳來禩相於其出塵

隨菴王撰

誰知斯世有吾徒洛社風流入畫圖筇杖葛巾天趣在  
清泉白石俗情無小山叢桂心偕隱古道垂楊跡未孤

愧我不才還自幸追從時得近型模

蔚村學者錢 嘏

辛酉長至前一日寒溪先生以婁東十老圖命題  
展而觀之則吾師確菴先生及諸先生之玉照也  
夫婁東者婁江之東也婁江蜿蜒清淑之氣至斯  
地而凝聚焉則斯人之生固地靈之所鍾歟然斯  
人皆千古之人而非斯世之人也又何有於斯地  
其或地以人重使天下後世之知有婁江者將與  
唐之河汾宋之濂洛並傳不朽耳則觀斯圖者安  
有不景仰夫斯人而致慨夫斯世也哉故系之以

詩曰

披圖敢作等閒看，曠世丰姿見筆端。  
渭水龍鰲皆入夢，濂溪風月此同觀。  
清泉白石容吾黨，翠柏蒼松共歲寒。  
貌盡猶龍人未識，祇緣都是古衣冠。

南廬王御

十子翩翩壽格強，逸民偏得近朱張。  
王官水上鷗雙侶，林麓山中詩一囊。  
好倩虎頭傳浩落，笑煩麟閣卜行藏。  
披圖粲爾渾無語，不盡春光徧綠楊。

山陰南枝戴易

儒冠僧帽遺民服，形影相憐共白頭。  
邱壑一時難物色，

乾坤千古怨風流記成汐社江聲咽歌動冬青草木愁  
留得離人衰恨在塵揚東海見神州

茂苑俟齋徐枋

聲名久共震寰區此日披圖慰我思嶽峙淵淳風格異  
龍潛鳳伏事功遲扶持世道同千古培植人心豈一時  
可惜鵝湖山下客盡歸洛社話幽離

樊村紀事

樊村涇者州城內東南之水也前朝王兵憲精形家言  
鑿朝陽水門引婁江潮注樊涇北達至和塘取巽方秀  
水爲州治形勝厥後淤塞僅存溝迹四明錢忠介公牧

婁以連年大旱城居乏水乃疏樊涇啟水門已四十餘年又將淤塞矣樊涇雖在東南城去開市稍遠居民少周環菜圃菴觀園亭相望小橋流水柳陰竹色晨夕鐘聲頗有林泉之致與隱者爲宜子居樊涇之東盛寒溪王戒菴居樊涇之西三人年皆古稀外時時過從蔬酒爲樂好事者稱爲樊村三隱子因回首二十年前吳魯岡之君子軒王減菴之照春閣郁存齋之靜觀樓王莊溪之斯友堂陳確菴隱七十二潭陸桴亭潛九龍灣上陸鴻逸築春星草堂龔無競有拙菴宋子猶有菊齋此皆舊遊之地也當年諸友存日暨我樊村三友同志多

人自讀書談道之暇遇良辰美景春花秋月或四方名  
賢至止則殷勤杯酒盤桓盡歡會必有記人必有詩蓋  
二十餘年無閒也數年來時事艱虞存歿異態良會莫  
續感慨係之近惟王芝屢幾番招友賞菊於古期齋又  
舉耆英會於光大堂亡友王南園喬梓每秋招友賞桂  
於無隱林辛酉冬王隨菴招友賞雪於三餘館壬戌春  
仲招友集小齋賞梅癸亥初春同人聚首於王戒菴之  
南廬春暮集寒溪牡丹花下此皆山齋所僅見者也隨  
菴於癸亥春南遊今甲子春盡日歸自廬陵予憶其久  
客喜其遠回又舊友毛亦史卜居鄰右令弟魯公時得

把握皆爲快事因遵三簋約置酒觴客并招盛寒溪王  
戒菴毛眉史鄭簪亭劉癯仙輩皆與焉若以數君子各  
成之品行擬諸古人則高逸似皇甫士安著述似習彥  
威恬退似陳仲弓才幹似魯仲連詩文似白香山蘇子  
瞻書畫似米襄陽倪處士洵先朝之逸民當代之雋才  
也昔善夫之交松雪墨妙迹垂梵剎阿瑛之友鐵崖詩  
歌名重玉山地以人傳人以待稱山齋之會諸賢之詩  
安在古今人之不相及也康熙甲子孟夏上浣之七日  
樊村顧士璉記

鴻逸齋聯句



戊子季冬確菴白民二君子來自玉峯假館於鴻逸齋頭予與嚳城默菴過訪聚首逆旅傾蓋如故鴻逸出酒肴款宿篝鐙茅榻促膝談心整容互對時漏鼓三沈矣諸君慨前修之莫逮感後晤之難期遂出筆墨請其聯詩一首乃知月泉社裏不廢篇章許劍亭中還存姓氏異日回思相見之奇相知之愛當有感於是篇矣次桓徐賚記

異縣看星聚

賦

新知舊日盟

次

素心逾贈綺匡古對班

荆海內師兼友天涯弟與兄

確

杯傾鸚鵡動裘脫鸛鷀

輕

次

拔劍低昂舞調琴斷續聲

鴻

詩書當甲冑名教足

干城白玉漏沈多怨金波炤不平次文章雄甫白道德

紹周程歲臘違新室威儀想帝京默壺觴娛靖節甌雪

老蘇卿確危論參同異傷時感死生次馬圖應不作麟

筆欲無正確廢壘哀笳急孤城畫角鳴次衣冠悲漢溺

儒雅歎秦阮確玉座憐秋草銅仙泣夜營次禔躬行素

位蒙難守艱貞默地肺人將隱天街位自明白白夢餘蘇

化鶴醉後李騎鯨鴻清嘯樓無月悲歌臺爲名次驚逢

行帶甲愁聽野呼庚白跼促籠中鳥飄零冀上英默酣

歌彌激烈意氣益崢嶸默非爲抒孤憤何曾賦獨清確

道貧元有屬身介若無情次東海思投釣南陽擬向耕

自無家歸豹隱何計息龍爭越國薪嘗臥秦庭淚欲傾

次起兵傳勝廣亡國恨閭丁默牛馬隨呼應魚龍溷迹

行確濺衣誰報智擊筑欲除羸鴻慷慨傷南渡流離賦

北征墨酣聯石鼎病渴愛金莖次霜落賓鴻苦陽生屈

蠖驚默小儒荒禮樂大道鄙縱橫鴻濂洛源流合寧原

首尾并起占牛斗分何日墮欃槍次

頑潭詩話向無刻本葉徵君涵溪道光年間得鈔本於  
玉峯書肆均係高人逸士酬倡諸作一字一句洵足寶  
貴惜蠅頭行草恒苦讀不終卷欲借鈔未果今忽忽四  
十餘年矣蘅甫繆君近假葉氏藏本錄副見示展讀一  
過曷禁愉快特其中尙有關字疑字無從訂正未愜予  
心爾光緒九年癸未夏六月邑人顧師軾識時年八十  
有五

委校頑潭詩話一二疑誤分別簽出舊校偶有未當處  
妄附簽末承 詢編輯條理竊意編輯之道有二一依  
確菴先生自序以人與時與事各以其類歸附一原稿

元澤言言足  
本係編年但當別以甲子酌分數卷次第悉仍舊貫此  
書本非詩話而以詩話名者大約聊存當日挂瓢諸君  
互倡迭和光景如此釐訂或尙不失初意若竟以詩係  
人則全屬總集體裁矣校畢系以一律并呈

蘅甫仁兄大人 教正

故宮禾黍寫幽衷半局殘碁劫已終白社竟逃天地外  
青山長在薜薇中百年士氣完臣節一卷離騷續變風  
我欲扁舟蔚村去蓮花深處訪漁翁

桃源一曲水淪漣晞髮山林別有天太史占星五百里  
谷音遺集一千年讀書猶識先民意

擬依確菴先生序意編次繩武

終慚後起賢

先太父曾擬編刊未果

異代幽光誰發覆  
鐫鐫重爲

整遺編

蘄甫將刊是書

丁亥夏秋孫徐敦穆初稿

咸豐紀元季冬望前從涵溪丈借鈔呵凍草草錄畢  
因識

竹中猶喜紙窗明日日鈔書作課程縱使鈔成無所  
用也勝塵土負平生

新陽潘道根確潛

舊鈔頑潭詩話上下卷并訂一冊密行細草小於  
蠅頭有批評夾雜圈點間難於辨別向藏婁東葉

徵君涵溪先生諱裕仁處余於今年春二月從其  
孫伯雲茂才假得之手自錄副凡四閱月而始畢  
此書向未梓行咸豐紀元潘晚香先生借鈔一本  
有詩題於原鈔本之後屈指已六十四年矣不知  
潘本猶在人間否光緒癸未七月鎮洋繆蘅甫朝  
荃亦借鈔一過癸丑夏趙學南詣琛借繆本錄於  
滬上六月製造局之變燬於火學南從兄仲宣明  
經別錄一本於信義此書除原鈔本外凡有五鈔  
本一燬一不知所往難得而易失將何以廣其傳  
耶學南矢志闡幽不惜重資謀付剞劂不禁爲之

欣喜因書數語以誌此書鈔傳源流而拭目以俟  
鐫工之成焉甲寅仲夏崑山後學王德森謹識

癸丑七月學南從弟借太倉繆衡甫先生校錄顏  
潭詩話示余余以是書向無刻本世閒罕有力疾  
手鈔月餘而竣今夏老友王君嚴士亦在太倉借  
得原鈔本錄副屬校按此原鈔本卽葉涵溪徵君  
得諸玉峯書肆者也字跡模糊不可辨識紙亦殘  
損片片欲飛王君細心體認終卷無魯魚亥豕之  
訛曷勝欽佩核對一過校正良多並錄潘晚香先  
生題詩於後特惜先生手鈔本流落何所無從搜



訪爲可惜耳甲寅六月崑山後學趙詒翼謹識

余於壬子年校刻陳確菴先生離憂集從游集於  
滬上見吾邑潘晚香先生跋離憂集云向婁東葉  
涵溪借頑潭詩話呵凍鈔一副本於是知兩集外  
尙有是書癸丑季春函詢婁東繆丈蘅甫逾月卽  
以鈔本寄示附書云此詩話擬刻未果成吾志者  
其在君乎卷末附顧師軾跋知繆丈亦傳錄葉氏  
本也余亟爲錄副月餘始畢而病其帝虎島鳥之  
多方欲詳校付梓詎知天未厭禍人心好亂六月  
中旬謠詠繁興一夕數驚余獨坐峭帆樓校勘不

輟既望下午事更危急不可久留避至租界十七  
日女兒蘭歸家取衣見案上一冊卽挾以出則繆  
氏所鈔顏潭詩話也越二日亂大作峭帆樓以近  
於製造局遂燬於火獨此書僅存從兄仲宣篤好  
婁崑前哲遺箸因錄一本同邑王君嚴士適得葉  
君所藏原鈔本亦重錄一過於是從兄以原鈔及  
新鈔兩本互勘改正丙辰春余移寓蘇垣卽取從  
兄鈔本校訂今春付梓吳興劉君翰怡助以巨貲  
婁東唐君蔚芝李君頌韓重其爲鄉先哲遺箸亦  
各貲助俾潰於成余獨念當日亂離情狀宛在目

前而繆丈則墓有宿草從兄亦遽歸道山女兒蘭  
又於去冬天折惟嚴老與余昕夕會譚世事之變  
遷人生之不測有如此者余能無感乎原稿本分  
二卷繆丈鈔本分三卷今仍編爲二卷補遺附錄  
次於後此書雖以詩話名實係清初高人逸士唱  
和諸作隱寓故國之思讀之令人悲歎而截識話  
及劉河兩序所云與今世習尙及藉端生事者有  
以異乎嗚呼吾殆不欲言矣丁巳仲春崑山後學

趙貽琛謹識